

I UVOD

U toku 2003.godine došlo je do značajnih novina procesnog i materijalnog krivičnog zakonodavstva u Bosni i Hercegovini, a to se odrazilo i na problematiku privremenog oduzimanja droga i drugih predmeta i imovine vezanih uz narko kriminal. Izmjene i dopune učinjene su kako u krivičnom materijalnom, tako i procesnom zakonodavstvu. Prema našem ranijem procesnom krivičnom zakonodavstvu ova radnja je imala drugačiji naslov, a bila je drugačije i kategorizirana. Prema zakonima o krivičnom postupku Federacije BiH, Republike Srpske i Brčko Distrikta ova radnja se zvala "Privremeno oduzimanje predmeta", a bila je svrstana u istražne radnje. U novom zakonodavstvu se zove "Privremeno oduzimanje predmeta i imovine" a kategorizirana je kao radnja dokazivanja. Treba napomenuti da je, ustvari, došlo do izmjene u terminologiji zakonodavca, jer se ranije istražne radnje sada zovu radnje dokazivanja. Naravno, kada je riječ o privremenom oduzimanju, pored prethodnog, učinjene Tako se ova radnja dokazivanja "Sastoji se u privremenom oduzimanju predmeta: 1) koji se prema krivičnom zakonu imaju oduzeti ili 2) koji mogu poslužiti pri utvrđivanju činjenica u krivičnom postupku. Kako iz sadržaja Zakona o krivičnom postupku ne proizlazi o kojim je predmetima u fizičkom smislu valja zaključiti da je riječ, prije svega, o pokretnim stvarima, aii se ne može isključiti ni smisljena primjena te mjere u odnosu na nepokretne predmete. Kod nepokretnih predmeta ta se mjera ostvaruje kao ograničenje slobodnog raspolaganja i podvrgavanja tih predmeta posebnom čuvanju na temelju sudske odluke. ZKP propisuje pod kojim uvjetima se može poduzimati ova radnja dokazivanja, a u osnovi se mogu oduzeti predmeti u okviru mjere sigurnosti oduzimanja predmeta, zatim predmeti u vezi sa krivičnim djelima neovlaštene proizvodnje i stavljanja u promet opojnih droga, posjedovanja i omogućavanja uživanja opojnih droga i neovlaštenog prometa opojnim drogama, kao i predmeti od kojih se sastoji imovinska korist pribavljena krivičnim djelom.Privremeno oduzimanje predmeta je radnja oduzimanja u stvarnom, fizičkom smislu promjenom posjeda i uzimanjem u fizičko držanje suda, ili čuvanjem, tj. promjenom posjedovnog stanja na način na koji se posjed izvršava na nekretninama i njima sličnim objektima (brod) uz isključenje pristupa drugim osobama. Nadalje, kao korelativna dužnost obavezi oduzimanja predmeta predviđena je i edicijska dužnost, tj. dužnost izdavanja predmeta koji se prema krivičnom zakonu imaju oduzeti ili koji mogu poslužiti pri utvrđivanju činjenica u krivičnom postupku, za svakoga ko posjeduje takve predmete. Prema odredbama ZKP mogu se, de facto, oduzeti tri vrste predmeta, a to su predmeti koji su upotrijebljeni za učinjenje krivičnog djela, predmeti koji su bili namjenjeni za činjenje krivičnog djela, ili predmeti koji su nastali učinjenjem krivičnog djela. Međutim, u teoriji postoje i druga tumačenja u pogledu ove odredbe KZ-a. Jedno od bitnih pitanja jeste sam način kako se to u praksi provodi. Zakonodavac je zauzeo jasan stav o tome, međutim, u pogledu decidnog provođenja sudske naredbe moguće su razne neizvjesnosti. Uz ostalo, upravo načini privremenog oduzimanja predmeta biti će u središtu mog interesovanja, jer je to neophodna kriminalistička komponenta bez koje se ova krivičnoprocesna radnja dokazivanja, praktično, ne može ni provoditi.

II MATERIJALNI OSNOV ZA PRIVREMENO ODUZIMANJE PREDMETA

Materijalni osnov za privremeno oduzimanje predmeta propisan je, prije svega, u inkriminacijama krivičnog zakonodavstva u Bosni i Hercegovini koje se odnose na ovu vrstu kriminala, a koje su prethodno pomenute. Kada je, dakle, u pitanju narko-kriminal, kao predmeti koji se obligatorno oduzimaju navedeni su opojne droge i sredstva za njihovu proizvodnju. Pri tom se kao opojna droga smatra „medicinski lijek ili opasna supstanca s adiktivnim i psihotropnim svojstvima, ili supstanca koja se lako može pretvoriti u takvu supstancu, ako podliježe kontroli prema međunarodnoj konvenciji koju je Bosna i Hercegovina ratificirala, ili supstanca koja je proglašena opojnom drogom od strane nadležne institucije Bosne i Hercegovine ili nadležne institucije entiteta". Kao sredstva za proizvodnju opojnih droga smatraju se oprema, materijal ili supstance u skladu sa odgovarajućim odredbama krivičnog zakonodavstva. Radi se o opremi i materijalu neophodnom za funkcionisanje ilegalnih narko-laboratorija, kao i o supstancama koje nemaju narkotična svojstva ali je bez njih praktično nemoguće proizvesti, odnosno preraditi pojedine droge, tzv. prekursori.¹

U zavisnosti od pojedinih radnji učinjenja predviđenih u krivičnom zakonodavstvu droge se mogu pojaviti kao predmeti koji su upotrijebljeni za učinjenje krivičnog djela ili kao predmeti koji su bili namjenjeni za učinjenje krivičnog djela. Takođe, droge se mogu pojaviti i kao predmet nastao učinjenjem krivičnog djela, i to u slučaju kada se radi o neovlaštenoj proizvodnji i preradi droga, odnosno neovlaštenom prometu droga. Oprema, materijal ili supstance mogu se pojaviti kao predmeti koji su upotrijebljeni za učinjenje krivičnog djela, ili kao predmeti koji su bili namjenjeni za učinjenje krivičnog djela.

Kada je u pitanju druga vrsta predmeta koji se mogu privremeno oduzeti, tj. predmeti koji mogu poslužiti kao dokaz u krivičnom postupku, onda se radi o dvije vrste predmeta. To su predmeti koji su dobijeni kao nagrada za učinjeno krivično djelo i predmeti na kojima se nalaze tragovi krivičnog djela. U prvu grupu bi spadali novac, razni tehnički predmeti kao što su automobil, kamera, nakit, ali i droge. U drugu grupu spadali bi svi predmeti na kojima se mogu nalaziti tragovi krivičnog djela, odnosno tragovi droga, kao što su vaga, nož, kašika, šprica, igla, lula, ćilam, nargila, kese i drugi predmeti za pakovanje droga, kao i dijelovi prevoznih sredstava za ilegalni transport droge. U širem smislu, tu bi se mogli svrstati i drugi predmeti kao što su razni dokumenti na tuđe ime (putna isprava, lična karta, prometna dozvola), koji su dobijeni kao naknada za prodatu drogu ili garancija da će biti isplaćena. odgovarajuća količina novca, novčane uplatnice i priznanice na ime kupljene, odnosno prodate droge, kao i pisma, teleksi i elektronska pošta kao korespondencija o kupoprodaji droge.

¹ Petrović, Borislav: „Privremeno oduzimanje droga i drugih predmeta i imovine vezanih za narko-kriminal u novom krivičnom zakonodavstvu BiH“, Pravna misao br. 7-8, Sarajevo, 2003, str. 5.

---- OSTATAK TEKSTA NIJE PRIKAZAN. CEO RAD MOŽETE PREUZETI NA SAJTU

WWW.MATURSKI.NET ----

[BESPLATNI GOTOVI SEMINARSKI, DIPLOMSKI I MATURSKI TEKST](#)


RAZMENA LINKOVA - RAZMENA RADOVA

RADOVI IZ SVIH OBLASTI, POWERPOINT PREZENTACIJE I DRUGI EDUKATIVNI MATERIJALI.

WWW.SEMINARSKIRAD.ORG

WWW.MAGISTARSKI.COM

WWW.MATURSKIRADOVI.NET



NA NAŠIM SAJTOVIMA MOŽETE PRONAĆI SVE, BILO DA JE TO [SEMINARSKI](#), [DIPLOMSKI](#) ILI [MATURSKI](#) RAD, POWERPOINT PREZENTACIJA I DRUGI EDUKATIVNI MATERIJAL. ZA RAZLIKU OD OSTALIH MI VAM PRUŽAMO DA POGLEDATE SVAKI RAD, NJEGOV SADRŽAJ I PRVE TRI STRANE TAKO DA MOŽETE TAČNO DA ODABERETE ONO ŠTO VAM U POTPUNOSTI ODGOVARA. U BAZI SE NALAZE [GOTOVI SEMINARSKI, DIPLOMSKI I MATURSKI RADOVI](#) KOJE MOŽETE SKINUTI I UZ NJIHOVU POMOĆ NAPRAVITI JEDINSTVEN I UNIKATAN RAD. AKO U [BAZI](#) NE NAĐETE RAD KOJI VAM JE POTREBAN, U SVAKOM MOMENTU MOŽETE NARUČITI DA VAM SE IZRADI NOVI, UNIKATAN SEMINARSKI ILI NEKI DRUGI RAD RAD NA LINKU [IZRADA RADOVA](#). PITANJA I ODGOVORE MOŽETE DOBITI NA NAŠEM [FORUMU](#) ILI NA

maturskiradovi.net@gmail.com